

AWO TIN 4 SCOL RIBA RED DI SCOLNAN UNESCO

AVP-MAS-ACCION21 A PIDI ‘BIJEENKOMST’ CU EXPERTONAN DI WEB RIBA LNG

Pag. 3



DEBI N’E TERA HOPI MUHA, VARIOS MATA DI KWIHI A CAY



Pag. 6

DIRECTIVA DI VWI TA RETA TON ROJER PA TA TRANSPARENTE

Pag. 7



Market Leader of Business Software in the Caribbean

Solutions for:


- Finance
- Wholesale Distribution
- Professional Services
- HRM, CRM and BPM



VCC International NV


Supports All Your Business Activities & Processes!

Tel. 583-7072 | info@vcc-int.com | www.vcc-int.com



[get a quote](#)
[make a payment](#)
[sign up](#)

Quick and easy!



live safe | live easy

[f](#)
[v](#)
[i](#)
[in](#)

myguardiangroup.com

Despues cu VWI a denuncia manipulacion

Director di Utilities purbando na drecha mal gobernacion



Expertonan den servicio di WEB Aruba NV e siman aki, a divulga desaroyonan cu ta tumando luga den e planta di awa y electricidad, cu a duna mas ainda, indicacion cu gabinete Wever Croes ta hungando cu futuro di e compania aki. Richard Frank un di e expertonan y miembro di e sindicato VWI den cual tambe varios experto ta miembro, a bin ta cuestionando e forma con Utilities Aruba NV ta forsando desaroyonan cu no ta na interes di e compania estatal aki.

AWEMainta por a tuma nota di algun declaracion realmente interesante haci pa sr Frank den e noticiero di Enfoke, den cual por asumi cu for di algun tempo caba, un grupo di expertonan cu hopi capacidad, specialisa den e materia, a bin ta trahando un plan pa WEB Aruba NV por cambia di uzo di fuel-oil pa gas.

E miembronan di VWI a mostra cu e plan aki, tabata hopi avansa caba ora cu di repente a bin henter e asunto di LNG caminda te awe ainda ningun hende sa kico e contract ta encera y ningun hende sa con henter e proceso aki lo tuma luga.

VWI entre otro a cuestiona e hecho cu kier bay core tubo di gas for di tereno di refineria di San Nicolas te ora cu e yega na WEB pasando den varios barrio hopi habita, mientras cu tin un plan concreto riba mesa for di algun tempo caba, caminda lo uza un tereno na Barcadera cu ta keda cerca di WEB, pa almacena e gas natural cu lo wordo uza pa e planta di awa y electricidad.

REACCION

Diahuebs atardi, dos dia despues cu VWI a divulga desaroyonan cu no ta mostra nada den direccion di bon gobernacion pero sin hopi faborismo politico, Utilities Aruba NV pa medio di director Anthony Rojer, ta reacciona contra di

e ponencianan di VWI pa caba di confirma cu realmente tin cosnan cu no ta bon ta tumando luga.

Ta for di algun tempo caba gabinete Wever Croes a duna muestra di ta meti den un asina yama “afscheidbeleid” creando posibilidadnan pa famia y amigonan den posicionnan clave y e nombracion di Director Rojer, sin duda ta un di esakinan.

Ta mas cu claro cu gobierno, den nomber di un of otro minister di gabinete Wever Croes, lo a manda Rojer reacciona contra ponencianan treci dilanti pa Richard Frank y VWI mustrand riba un asina yama “Plan Nacional di Energia” y un otro plan cu ta carga e nomber di “Dicarbonization Path” cual plannan lo a wordo formula pa un compania bou di e nomber “Project Consulting Global S.A.”

Aki VWI a mostra bon cla cu e compania aki ta pertenece na e persona di Angel Abreu mustrand cu e compania aki di Abreu, ta parce riba un compania fantasma.

DUDA GRANDI

Sinembargo loke ta crea ainda mas incertidumbre den e reaccion di Utilities Aruba NV contra di expertonan di VWI, ta e hecho cu director Rojer ta ocupando un posicion pa cual e no tin nocion di esaki, no a studia nunca den e direccion aki pero simplemente a wordo nombra como un representante di algun minister den gabinete Wever Croes.

Ta simplemente “zinloos” pa expertonan di VWI bay den discusion cu Rojer mes riba asunto di energia, ya cu esaki lo ta un perdemento di tempo mirando e falta di argumento cu semper a existi pa gobierno hustifica su nombracion den e posicion cu e ta ocupando.

Pero esaki ta bolbe fortalece e denuncianan haci pa expertonan di WEB Aruba NV kendenan a tuma e curashi pa para pa sirbi interes di e compania di awa y electricidad.

AVP-MAS-Accion21 a pidi ‘bijeenkompst’ cu expertonan di WEB riba LNG

Parlamentario y lider di AVP, sr Mike Eman a vocifera un preocupacion grandi cu ta biba den comunidad pero tambe cerca miembronan di oposicion pa desaroyonan cu ta tumando luga den e compania di awa y electricidad, esta WEB Aruba NV.

Sr Eman a muestra cu Gabinete Wever Croes II despues di e move varios profesionalnan capacita for di nan posicion tanto den WEB y Utilities, nombrando famia, amigo y suanan den posicionnan clave, awor practicamente ta cometiendo atraco den e companianan di utilidad aki.

“Den ultimo dianan nos por a scucha temanan cu a laga tur hende hopi pero hopi preocupa mes na momento cu expertonan, personanan clave den WEB, kendenan a revela metemento politico cu tin via di Utilities den asuntonan cu ta estrictamente temanan cu tin cu wordo maneha dor di WEB.

Un inkietud cu ya tabata biba den comunidad ora cu tur hende a ripara kico a pasa den e acuerdo cu Eagle LNG, ora cu a mira con a pone miembronan di famia di gabinete, strategicamente pa asina sigura c’un contract asina dudoso manera esun di LNG por a wordo firma, marando Aruba pa mas cu 20 aña na 2 biyon florin.

Na e momentonan aki cu revelacionnan ta saliendo den e dianan aki, ta confirma cu locual a tuma luga e tempo ey, tabata algo totalmente incorrecto den cual e expertonan di WEB no tabata envolvi.

Pa e motibo aki tambe, caminda informacionnan a wordo revela caminda expertonan di WEB ta bisa cu na e momentonan aki, e compania Utilities Aruba NV, ta usurpando derecho- y podernan responsabilidad y tareanan cu ta estrictamente di


WEB, pa nan bay maneha proyectonan di energia, caminda nan lo dicidi ta ken, con y cuanto y tur esaki ta crea un preocupacion hopi hopi grandi den nos comunidad.

Tur esaki pa motibo cu e deal di LNG no ta para los di e inkietud cu tin awe cu expertonan di VWI di WEB a divulga y pa e motibo ey fraccionnan di AVP, MAS y Accion21, a entrega dos carta cual uno ta caminda nos ta urgi urgentemente pa tene un reunion publico, caminda ta invita VWI y SIWA, caminda den tur libertad nan por papia sin persecucion politico pa divulga asina kico realmente ta pasando na e momentonan aki den WEB.

Desaroyonan cu ta mustrandopracticamente un tipo di atraco riba e compania estatal di mas importante cu pais Aruba tin, cu ta WEBm, e compania cu ta suministra nos comunidad cu coriente y awa cu na e momentonan aki, ta bou di un nubia di atraco di Utilities, cu liñanan cu ta core te na gabinete Wever Croes II.”

Parlamentario Mike Eman a sigui muestra cu e di dos carta cu e tres fraccionnan menciona a manda, ta dirigi directamente tanto na Prome Minister Evelyn Wever Croes como Minister Glenbert Croes, caminda fraccionnan di AVP, MAS y Accion21, ta urgi nan pa para cu e usurpacion di pasonan cu nan ta tumando na e momentonan aki, pa tuma decisionnan caminda estrictamente WEB ta autorisa pa tuma, cu unicamente WEB ta capacita pa haci y caminda WEB tin e proceduranan pa garantisa transparencia, integridad di decisionnan cu ta toca miyones y miyones di florin di e pais.

“E ta toca tambe e consistencia y estabilidad di suministracion di awa y coriente pa henter pueblo di Aruba,” Parlamentario Mike Eman a trece dilanti.



Parlamentario Benny Sevinger

Prome Minister mester entrega tereno di pueblo cu el a bende como hurista

Aparentemente un hurista den bista di Prome Minister Evelyn Wever Croes, por permiti su mes e luho di bende propiedad di pueblo contra reglanan existente pa 17 milyon dollar, cual accion no ta conta contra su persona awor cu e ta prome mandatario.

Parlamentario Benny Sevinger a mostra cu den documentonan cu el a presenta na Ministerio Publico contra di e lider di MEP, claramente por mira cu como hurista, el a participa den un transaccion cu tabata contra reglanan pa loke ta otorgamento di tereno erfpacht, representando un cliente cu ta esposa di un famia di Evelyn.

“Na 2021 e lider di MEP aki a dicidi di manda su prome gabinete cas pa motibo di un investigacion relaciona cu e lider di partido POR, ya cu e ta sostene integridad den su gobernacion y no por permiti cualkier accion cu por ta corrupcion. Awor e mesun Evelyn Wever Croes aki kier pa tur hende compronde cu tempo el a participa den e transaccion dudoso aki di 17 milyon dollar, e no tabata mandatario pero un hurista cu a representa un cliente di dje.

Pues cu otro palabra, haciendo algo dudoso y contra ley como hurista, ta aceptabel pero haci algo asina como minister, esaki simplemente no por pero ta pakico e ora el a baha gobierno pa motibo di un investigacion relaciona cu su partner di coalicion di POR.

Pueblo por corda tambe cu despues cu bufete di abogado di su tata a logra di yega na un acuerdo cu e compania CITGO pa kibra e contract cu tabatin pa reapertura di e refinaria di San Nicolas, e lider di MEP a bay conferencia di prensa, pa felicita pueblo ya cu por fin su gobierno a logra pa pueblo bira doño bek di

e refinaria.


Mesun cos Evelyn y otro minister di gabinete Wever Croes, a bin dilanti y felicita Minister encarga cu asunto di Fundacion Lotto pa Deporte, ya cu supuestamente lotto ta bek den man di pueblo, bek den man di gobierno.

Algo cu ainda no por a tuma luga ya cu no tin acuerdo oficial, no tin un decision ainda riba henter e desaroyo aki pero aki ta otro mentira di un Prome Minister cu ta participa den e proceso di gañamento di pueblo.

Wel awor cu a bira conoci, cu Ministerio Publico tin e pruebanan aki di participacion di Evelyn Wever Croes, si e mesun persona cu ta Prome Minister di awe y lo ta na su luga pa e lider di MEP bin dilanti camara y bisa pueblo, cu e tereno cu el a bende contra tur reglanan existente pa esaki pa 17 milyon dollar, cu e ta entrega e tereno aki bek na pueblo.

Evelyn, entrega pueblo su tereno bek, sigur ora cu tin documentonan cu ta mostra na e momentonan aki tambe cu e tereno aki ta wordo administra pa e compania di Arulex, cu ta bon conoci pa Prome Minister Evelyn.

Haci algo porfin na interes di pueblo, entrega e tereno cu a ser negocia den nomber di un famia di bo, caminda e suma di 17 milyon dollar tabata envolvi y felicita pueblo cu e tereno cu bo a debilbe,” Parlamentario Benny Sevinger a declara.



EMIHO DEAL / PA PONE BO TRA 'I STUURWIEL

Desde awo te cu fin di aña
nos ta ofrece e miho deal
den prestamo pa auto nobo.
Scan e QR Code aki cu bo
telefon, verifica pa bo mes
y manda nos un mensahe.

**APLICA PA BO AUTO
NOBO AWE MES.**



Debi n'e tera hopi muha, varios mata di Kwihi a cay



Diabierna mainta poco poco informacionnan a cuminsa drenta camindanan cu a yena cu awa y tambe matanan di Kwihi cu a cay.

Segun nos por a constata cu henter anochi awa a yobe, no na un forma duro pero si constantemente.

Esaki a causa cu algun mata di Kwihi a laga bay y cay.

Na Santa Cruz un mata grandi a cay memey di caminda, aunke e caya no ta uno hopi trafico pero e ta stroba autonan di pasa.

Polis mesora a bay nota y a constata cu berdad tin un mata ariba caminda, y cu mester pone D.O.W na altura.

Ariba caminda di Paradera tegenover di Ex Pacifico un mata di Kwihi a cay tambe, obstaculizando e pasada unda hendenan ta cana.

Den Devenstraat tambe un mata a cay y causa daño na un cas. Pues D.O.W y Brandweer ta esnan cu ta haya e yamadanan aki pa sali yuda.

Directiva di VWI ta reta Ton Rojer pa ta transparente

“**D**en un comunicado di prensa di 22 di september 2022, Sr. Anthony (Toon) Rojer, director di Utilities Aruba un biaha mas ta purba sali den publico manera e gran ‘angel protector’ di tur cos cu ta di haci pa cu good corporate governance, futuro energetico di Aruba, y trahamento hunto cu WEB y Elmar. Nada por ta mas leu di e berdad y Sr. Rojer den su comunicado di prensa un biaha mas ta purba strooi santo den wowo di pueblo.” Esaki VWI, e sindicato di WEB a bisa den un declaracion.

E ta splice esaki di e siguiente forma:

“WEB y ELMAR ta trahando hunto cu Utilities den ekipo pa combina ideanan, experticio y recursonan”: Esaki ta leu di e berdad. Pa cu e relacion entre Utilities cu Elmar VWI no por bisa mucho paso VWI no ta forma parti di Elmar. Pa loke ta e “trahando hunto den ekipo” entre Utilities y WEB, esaki no ta berdad. Tur expertonan profesional tecnico y operacional ta miembro di VWI y tur ta trece dilanti cu nan envolvimento den traha e rapport cu Utilities y Project Consulting Global S.A. di Sr. Angel Abreu tabata minimal y sumamente marginal. WEB ni sikiera a haya e rapport pa review prome cu Utilities a core saca su EOI pa expansion di molina di biento na Rincon. Esaki ta manera di traha hunto?

Utilities Aruba NV ta propaganda un tal “Plan Nacional di Energia di Gobierno”. Si Sr. Rojer kiermen cu e “plan nacional di energia” aki e “nationaal energiebeleid”, anto e ora eyden si WEB a participa y duna input. Sinembargo, e rapport di Sr. Abreu su compania fantasma tin cierto elementonan aden cu no ta cuadra en absoluto cu e vision poni den e “nationaal energiebeleid” cu WEB a participa aden. Atrobe, unda por haya e “Plan nacional di Energia” aki publicamente? Mi ta sigur cu pueblo kier sa. Por ta Sr. Rojer por bisa nos?

Tin un Non-Disclosure Agreement (NDA) ‘diki-diki’ poni riba e zogenaamd rapport “Dicarbonization Path” cu Utilities Aruba NV a laga traha door di e compania “fantasma” di Sr. Angel Abreu, esta Project Consulting Global S.A. VWI ta puntra su mes pakico tanto secresia? Pakico tanto hush-hush? VWI ta reta Sr. Anthony “Toon” Rojer, director di Utilities Aruba NV, pa pone e rapport aki di Project Consulting Global S.A. publico (dus anula e NDA) pa asina VWI por manda copia di e rapport aki pa un compania di consulting tecnico di berdad pa nan duna nan expert opinion riba e contenido di e rapport.

E ora nos por mira ki “rapport cijfer” e rapport di Utilities cu su amigo Abreu ta haya. In ieder geval e rapport cijfer di nos expertonan na WEB ta un dikke onvoldoende. Si ta asina confiansa Sr. Rojer tin den su rapport y plannan, e ora pone e rapport publico!


Last but not least, e feit cu Utilities Aruba NV ta posee 100 porciento di e accionnan di WEB no ta duna Sr. Rojer ningun derecho pa bay haci actonan comercial di cual ni e statutan di Utilities Aruba NV y ni e vestigingsvergunning ta duna e permiso p’e.

Utilities Aruba NV como accionista y conform su statutan y vergunning tin un rol cla y raspa den e corporate governance di Utilities, WEB y Elmar y e rol aki no ta encera haci e actonan comercial manera cu Sr. Rojer ta haciendo cu e EOI di molina di biento.

Tambe nan ta contesta e pregunta di Rojer riba e autoridad di Richard Frank pa papia den number di e miembronan. “Si, Sr. Richard Frank ta presidente di VWI y den e hoedanigheid aki e ta vocifera e opinion y sentimento di tur nos miembronan.

E opinion di nos 72 miembronan (72 di e 92 empleadonan cu un contracto individual) unanimamente no ta mucho bon pa motibo di e mediocridad cu Utilities Aruba NV ta haciendo. Nos ta urgi un bes mas pa Utilities stop e EOI di molina di biento y ta reta Utilities pa kita e NDA for di riba e rapport y haci’e alcansabel pa tur hende por mira e contenido di dje. Sr. Rojer ta propaganda di ta traha hunto cu WEB? Wel, ban cuminsa cu un bon transparencia!”

DATA SIN FIN PA 25 FLORIN



Activa of renoba
e data plan
di 7 dia pa
bo sigui
experiencia

Activa awor



Digicel
Hunto Mas Miho

Reunionnan Interparlamentario ta cuminsa otro siman

Di diamars 27 di september te diabierna 30 di september 2022 e reunionnan interparlamentario (Interparlementair Koninkrijksoverleg-IPKO) ta tuma luga na Den Haag, Hulanda. Durante IPKO e delegacionnan di e Parlamentonan di Aruba, Corsou y Sint Maarten y esunnan di Staten-Generaal bou guia di e presidencia di Mariëlle Paul (VVD) di e comision fiho pa asunto di Reino di Tweede Kamer, lo trata temanan cu ta toca e paisnan den Reino. E temanan den e IPKO ta: e conseho no solicita di Raad van State tocante Reino Hulandes, tratadonan y derecho di Union Europeo (Unierecht); leynan di consenso di Reino (consensusrijks wetten); un proposicion di ley di Reino pa conflicto den Reino; cooperacion den Reino y deficit democratico, colonialismo y pasado di esclavitud.

Agenda

E reunion ta cuminsa diamars dia 27 di september cu un reunion di apertura na Eerste Kamer. Akinan e lidernan di e delegacionnan Parlamentario cada un lo duna un presentacion tocante e desaroyonan recien den nan respectivo paisnan. Despues di merdia lo sigui na Tweede Kamer cu e puntonan di agenda Conseho no solicita di Raad van State tocante Reino Hulandes, y e tema di leynan di consenso di



Reino.

Diaranson 28 di september tin un presentacion planea di e delegacionnan Parlamentario di Caribe cu un proposicion di ley nobo pa un ley di Reino pa conflicto den Reino. Despues di e presentacion lo sigui cu e temanan di cooperacion den Reino y deficit democratico, colonialismo y pasado di esclavitud.

Riba diahuebs lo haci bishitanan di trabou na Floriade y e proyecto 'Boerderij van de toekomst' di Wageningen University & Research (WUR) rond di e tema di seguridad di cuminda y sostenibilidad.

E reunionnan interparlamentario ta caba diabierna dia 30 di september cu fihamento y firmamento di e lista di palabracion di IPKO y un conferencia di prensa conhunto cu e presidentenan di e cuater delegacionnan.

E deliberacionnan entre e delegacionnan mayoria ta publico y por sigui nan pa medio di livestream, dependiendo di e localidad, riba e website di Eerste Kamer [livestream](#) (diamars parti mainta cuminsando 10:00or ora Hulandes), y e resto riba e website di Tweede Kamer [livestream](#) y e app Debat Direct.

Por sigui e reunionnan riba e siguiente orarionan (ora Hulandes):

Diamars 27 di september

10.00-11.00 y 11.20-12.00,
14.00-15.30 y 16.45-17.00

Diaranson 28 di september

10.00-12.30 y 14.00-14.45

Diabierna 30 di september

10.45-11.45 y 14.00-15.00



Ministerio di Asuntunan Economico,
Comunicacion y Desaroyo Sostenibel

ANUNCIO

Pa medio di esaki Minister di Asuntunan Economico, Comunicacion y Desaroyo Sostenibel ta informa cu entrante 1 oktober 2022 e linea di maneho encuanto otorgamento pa permiso di establecimiento di negoshi ("Vestigingsverordening Bedrijven") a cambia.

Dicho linea di maneho ta disponibel na Departamento di Asunto Economico, Comercio y Industria (DEZHI) mediante brochures y riba website: www.deaci.aw entrante 1 oktober 2022.

Tur peticion ricibi prome cu dia 1 oktober 2022 lo wordo trata segun e maneho anterior.

Tin diferente cambio, entre otro e categoria "Lokalen" a wordo amplia, door di cual mas persona no mester un permiso den caso di un negoshi propio (eenmanszaak) y tampoco permiso pa fungi como director di un compania.

E persona mester acudi directamente na Camara di Comercio pa registra su negoshi propio y/of pa inscribi su mes como director di un compania.

E personanan categoria A, tambe a wordo amplia cu personanan di nacionalidad Americano of nacionalidad di un di e estadonan miembro di Union Europeo. Nan mester tin 5 aña sin interrupcion bibando na Aruba y nan permiso conforme LTU.

Algun tipo di negoshi di servicionan personal cu antes no tawata permiti den area residencial, awor lo wordo permiti, pero bou cierto condicionnan.

Pa e demas cambianan por bai riba e website di Departamento di Asunto Economico, Comercio y Industria (DEZHI) www.deaci.aw.

EXECUTORIALE OPENBARE VERKOOP

Op **vrijdag 30 september 2022** des namiddags om 14.00 uur, zal in de vergaderzaal van de “Aruba Surfside Marina”, L.G. Smith Boulevard 7, Oranjestad, Aruba, ten overstaan van notaris mr M.J.C. Tromp of haar plaatsvervanger, de executoriale verkoop, als bedoeld in artikel 3:268 van het Burgerlijk Wetboek van Aruba, bij opbod en daarop volgende afmijning worden gehouden van:

- een perceel eigendomsgrond groot eenhonderd twee en veertig vierkante meter (**142 m²**), gelegen aan de Weststraat, kadastraal bekend als Land Aruba **Eerste Afdeling Sectie A nummer 396**;
- een perceel eigendomsgrond groot vijf en negentig vierkante meter (**95 m²**), gelegen aan de Havenstraat, kadastraal bekend als Land Aruba **Eerste Afdeling Sectie A nummer 398**;
- een perceel eigendomsgrond groot negen en vijftig vierkante meter (**59 m²**), gelegen aan de Weststraat, kadastraal bekend als Land Aruba **Eerste Afdeling Sectie A nummer 579**;
- een perceel eigendomsgrond groot eenhonderd vijf en twintig vierkante meter (**125 m²**), gelegen aan de Weststraat, kadastraal bekend als Land Aruba **Eerste Afdeling Sectie A nummer 580**;
- een perceel eigendomsgrond groot eenhonderd acht en zeventig vierkante meter (**178 m²**), gelegen aan de Havenstraat, kadastraal bekend als Land Aruba **Eerste Afdeling Sectie A nummer 815**;
- het recht van erfpacht tot zes mei tweeduizend acht en vijftig op een perceel domeingrond groot driehonderd vier en vijftig vierkante meter (**354 m²**), gelegen aan de Havenstraat/Weststraat, kadastraal bekend als Land Aruba **Eerste Afdeling Sectie A nummer 581**;
- het recht van erfpacht tot zes mei tweeduizend acht en vijftig op een perceel domeingrond groot zes en veertig vierkante meter (**46 m²**), gelegen aan de Weststraat/Havenstraat, kadastraal bekend als Land Aruba **Eerste Afdeling Sectie A nummer 1040**;

met het daarop gebouwde winkelcentrum, plaatselijk bekend als **Havenstraat 36**.

Inzetprijs: Afl. 2.025.000,==.

De veilcondities zullen 8 dagen voor de verkoopdatum ter inzage liggen ten kantore van voornoemde notaris.

De executant behoudt zich het recht voor, de veiling uit te stellen en op te houden zonder de verplichting de reden(en) daartoe te noemen.

Bieders dienen terstond een bankgarantie of een gelijkwaardige document dat aanvaardbaar is voor de executant, te overleggen en in het bezit te zijn van een geldig identiteitsbewijs.

Notariskantoor mr M.J.C. Tromp

Santa Cruz 35

Tel: 5853500/5857900

Fax: 5854222

Email: veiling@notaristromp.com/auction@notaristromp.com

Minister Xiomara Maduro di Cultura:

Aruba ta conta awor cu 4 scol conecta n'e netwerk di Scolnan di UNESCO



Riba Dia di Internacional di Paz a tuma luga un ceremonia special pa anuncia y brinda certificado na e 4 scolnan di Aruba cu ta wordo reconoci oficialmente como miembro di e red di scolnan asocia cu UNESCO. Ta trata aki di Colegio Hilario Angela, Princes Amalia School, Internacional School y EduCampus.

Minister Xiomara Maduro di Cultura tabata presente como Presidente di e Comision Nacional di UNESCO Aruba pa entrega e scolnan nan certificado como Scol di UNESCO. Scolnan di UNESCO ta forma parti di un comunidad global di mas di 12 mil scol rond mundo cu ta reconoci pa nan rol den intercambia, crea y promove un cultura di paz den cual comprension pa diferencia, derechonan humano, cultura y diversidad, afinidad pa ciencia y innovacion y desaroyo sostenibel local y global ta esencial. E hobennan di e Scolnan di UNESCO ta cera conoci cu e 17 metanan mundial di desaroyo sostenibel y ta siña mas di kico mester wordo haci pa yuda Aruba y mundo pa por ta mas sostenibel. Nan ta wordo forma pa bira un ciudadano global.

Minister Maduro ta felicita tur docente y hobennan di Aruba su Scolnan di UNESCO. Masha danki pa acepta e reto pa educa y forma hoben nan pa mantene paz.



Wiki Loves Monuments Aruba 2022

Upload bo fotografia di un monumento di Aruba y gana mil florin

Falta solamente un siman mas p'e competencia di Wiki Loves Monuments Aruba 2022 termina. Participantenan tin tempo ainda pa upload e miho fotografianan di monumentonan di Aruba y asina gana mil florin cash.

Wiki Loves Monuments ta un competencia di fotografia internacional organisa den luna di september pa Wikipedia.

E meta principal ta pa documenta monumentonan di rond mundo, cada fotografia na final lo conta cu articulonan cu informacion di e monumentonan skirbi pa boluntarionan rond mundo.

Pa participa ta facil djis upload bo miho fotografianan di monumentomam di Aruba via di Wikimedia y asina participa. E regla principal ta cu e fotografia mester ta di autoria di e participante y na momento cu upload esaki ta sede e derechonan pa uzo liber. E participacion ta pa tur edad y NO mester ta un fotografo profesional pa participa.

Di e dies miho fotografianan lo saca un ganado y lo nomina tur dies pa competencia internacional cu lo tuma luga na November caminda un Jurado internacional lo

scoge e miho fotografianan di mundo.

Pa mas informacion tocante participacion, subi nos pagina di Facebook: Stichting Monumentenfonds



PUBLIC AUCTION

TUESDAY
OCTOBER 25, 2022

On Thursday, October 25, 2022 at 11am, at the Chamber of Commerce, Aruba, will be auctioned in public (executoriale verkoop) pursuant to art. 3:268 and 3:254 Civil Code of Aruba:

L.G. Smith Boulevard 95

A commercial building situated on four parcels of property land consisting of:

1. a parcel of land, in total 1488 m2 in size, situated at L.G. Smith Boulevard in Aruba, recorded in the Title Registry of Aruba as Second Division Section C number 2800,
2. a parcel of land, in total 533 m2 in size, situated at L.G. Smith Boulevard in Aruba, recorded in the Title Registry of Aruba as Second Division Section C number 2801,
3. a parcel of land, in total 14031 m2 in size, situated at L.G. Smith Boulevard in Aruba, recorded in the Title Registry of Aruba as Second Division Section C number 2802, and
4. a parcel of land, in total 922 m2 in size, situated at L.G. Smith Boulevard in Aruba, recorded in the Title Registry of Aruba as Second Division Section C number 2803.

Starting bid: Afl. T.B.D.

Barcadera 99

A right of long lease until 23 July 2053, on

1. a parcel domein land with a measurement of 658 m2, situated at Barcadera in Aruba, recorded in the Title Registry of Aruba as First Division Section T number 1938;
2. a parcel domein land with a measurement of 2.820 m2, situated at Barcadera in Aruba, recorded in the Title Registry of Aruba as First Division Section T number 1939.

Starting bid: Afl. T.B.D.

Barcadera z/n

A right of long lease until 30 November 2067, on a parcel domein land with a measurement of 6.831 m2, situated at Barcadera in Aruba, recorded in the Title Registry of Aruba as First Division Section T number 1298.

Starting bid: Afl. T.B.D.

AUCTION NOTARY: Th.R. JOHNSON

- The auction is subject to the general conditions for foreclosure auctions and special auction conditions which will be determined by civil law notary Th.R. Johnson.
- Seller has the right to not accept any bid, at its sole discretion.
- The auction may be stopped or postponed at any time.
- Each bidder must submit a bank guarantee and/or letter of credit issued by a bank in Aruba to the amount of the highest bid increased with an amount equal to the auction costs.
- A signed and dated private bid can be submitted until **9 October, 2022, 5 PM**. A bidding form can be downloaded on our website.

For more information visit:
WWW.JOHNSONNOTARY.COM

Entrante 1 di october tin cambio den lista di remedi



Conforme e Decreto Nacional di dia 13 di juli 2022, entrante 1 di october proximo e lista positivo di remedi nan cubri pa AZV ta conoce cambio. Esaki ta resultado di e asina yama “5 Wave model” cu a keda diseña pa cumpli cu e peticion den reduccion di gastonan di AZV cu 60 milyon florin pa aña.

Kico ta cambia?

E lista di remedi di AZV tin 3 cambio importante:

- Un grupo di remedi cu ya no ta wordo produci ta keda elimina di e lista y no tin efecto pa e aseguradonan.
- Remedinan cu por wordo cumpra den botica sin receta di dokter, manera Paracetamol y Dika, ta keda saca di e lista y e asegurado mes lo tin cu paga esaki. Ta yama esaki e remedinan “OTC” (Over The Counter) y generalmente nan ta na prijs rasonabel.
- Cierta remedinan ta keda cubri solamente ora ta cumpli cu e criterionan estableci. Asegurado cu malesanan cronico ta

keda ricibi nan remedi. Solamente si resulta cu no ta cumpli n’e criterionan estableci, e ora e asegurado lo mester paga pa e remedi aki.

Con e asegurado por prepara su mes pa e cambio?

- Bo por busca e number di bo remedi riba e lista di remedi via www.azv.aw pa haya sa si bo remedi ta keda cubri of no.
- Corda cu un remedi categoria “OTC” no mester wordo receta via receta di dokter. Es decir bo dokter por menciona bo e number di e remedi y abo por skirbi esaki pa ora bo yega botica bo busca esaki riba reki of puntra pa nan muestra bo unda bo ta haya esaki riba reki.
- Otro opcion ta pa percursa pa bo hiba un kladblok chikito na consulta di dokter y bo mes skirbi e nombernan di remedi categoria “OTC”. Otro opcion ta pa bo mes type e number di e remedi “OTC” den bo celular.
- Tin cierto remedi cu no ta wordo cubri door di AZV pero cu si tin mester di receta di dokter. Puntra tocante esaki y corda

cu na receptuur di botica, e botica por cobra un suma chikito p’e servicio.

- Evalua bon tur remedi cu bo ta uza. Consulta cu dokter si tin algun remedi cu kisas bo por laga afo por ehempel paso ta bebiendo di mas of paso no tin efecto mas.

Ban reforma pa garantisa

Cu e cambionan riba e lista di remedi cubri pa AZV, un esfuerzo ta keda haci pa trece reforma den AZV pa asina garantisa cu den futuro AZV por keda brinda su aseguradonan cuido medico accesibel, di calidad y pagabel.

DAILY LUNCH SPECIAL

11.00 AM TO 2.00 PM

MENU

- Monday - Carne Mechada
- Tuesday - CLOSED
- Wednesday - Pia di galiña den oven
- Thursday - Batata Yena
- Friday - Cocolishi Stoba

Take Away Available
Call 731-1224

Afl 25,-

Includes a small chicken soup

“Esun Cu No Kier Skucha, Mester Sinti”

Prome cu mi a drenta politica, mi a dicidi di traha den diferente sector pa asina conoce kico ta come y biba den sector priva, con duro nos hendenan ta traha, kico ta nan preferencia, kico significa alegria pa cada un di nan, nan preocupacionnan. Semper mi a trata di guia y asisti nan pa e caminda corecto y legal.

Hopi di nos hendenan muhe a wordo silenciosa pa casonan di acoso sexual (sexual harassment), hopi di nos hendenan muhe a cambia di trabou pa motibo di trampa of wega cu a wordo haci cu nan. E casonan aki no ta yega na Departamento di Labor pa wordo registra y documenta pa asina internacionalmente nos hendenan haya ayudo pa esaki. Pasobra documentando esaki Aruba por haya sancion den varios manera pasobra e no a acudi na ningun caso y a laga su hendenan, muhe of homber, ta victima y no ta haciendo nada pa para esaki.

Sin documentacion di e casonan aki ta mostra cu nos Aruba ta cumpli cu tur ley y cu no tin acoso sexual, abuso emocional y otro forma di abuso cu a y ta tumando luga na pia di trabou. Laga nos no cuminsa riba e tema di mucha y hoben cu tambe ta temanan cu ta hopi delicado y vulnerabel pa no stroba e crecemento di e persona nan aki.

Si un Gobierno ta actua segun ley y ta splica su pueblo con tur cos ta hinca den otro, nan por compronde. E tempo moderno a haci cu comunidad ta bini hunto pa asina demonstra nan mal contento riba muraya door di actua contra ley pa medio di graffiti dañando edificio ahenos y mas cu palabranan insolente, lubidando cu nos por wordo perhudica den gran escala.

Kico por haci? Demostracion cu ta forma legal; entrega peticion cu ta otro forma legal.

E era di computacion y internet a haci esaki posibel pa bon uzo pero tambe mal uzo sinta tras di un screen di computer, porta uzando nomber ficticio, y lubida cu e forma cu bo critica abiertamente riba medionan social ta contra ley. Ley di difamacion ta bin na vigor. Contradiendo esaki tambe tin e ley di libertad di expresion, di vocifera loke pa bo ta importante teniendo na cuenta leynan laboral y comportacion na pia di trabou y den tempo liber. Aki nos norma y balornan lo mester wordo reenforza ampliamente. Tin leynan Digital pa wordo trata den Parlamento di Aruba y mi ta spera cu esaki lo sosode pronto. Hopi biaha esnan cu no ta di acuerdo cu bo pensamento ta tira piedra y sconde man. Esaki ta un acto di cobardia. Enbes di busca e persona pa combersa cu ne, skirbi'e personalmente un carta, ta apoya e gesto aki. Enbes di sinta na mesa y mira tur perspectiva di e situacion cu ta deliberando riba dje, nos ta lanta contra otro, busca sencionalismo, enbes di hisa e nivel di

oponencia di ta un profesional. Por ehempel coleganan ta wordo tilda, pasado ta wordo treci dilanti, cu consecuencia cu e grupo enbes di sigui busca informacion di ambos banda pa siña pensa pa nan mes ta sigui e grupo aki y haci daño na otro sin tin mester.

Na momento cu toca temanan personal, ta laga e persona envolvi sinti su mes ataca den Parlamento di Aruba, cu no ta un berguensa pa e persona cu ta victima sino pa e persona cu ta ataca. Asina hendenan ta haya cu e actornan aki ta duna un bon show, pero en realidad a bisa net nada di loke e trabou di ta un Parlamentario ta of di un Minister. Ministernan tin cu corda cu brinda respet na Parlamentarionan no ta un mester, e ta un deber! Nos Comunidad mester siña crea respet pa nos mesun hendenan, sea nan ta of a forma parti di un gobernacion nan ta hendenan pa respeta. Eleva e nivel di nos Gobernantenan y Parlamento di Aruba ta un prioridad. Hendenan di afo mester bin siña nos ki balor e responsabilidad di un Parlamentario, of di un Gobernante tin? Mira con un persona di exterior ta conoce kico ta e etiquette di vestuario, comportacion, combersacion di un di e lidernan di su pueblo. Den un pais tin varios lider y pa un persona yega na wordo selecta ta pasobra e la cumpli cu rekisitonan cu ta importante como ser humano sirbiendo su pueblo cu curason y carisma. Duna loke bo ta desea di ricibi.

Un gobierno por kita libertad di su pueblo? SI!

Ehempelnan ta sobra. Door di silenciar su comunidad, door di menasa su comunidad, door di tin hendenan ta informa cada paso cu un persona cu e gobierno ta mira cu lo ta un peligro pa nan. Den pasado a haci hopi daño na famianan y mas tristo door cu no por a yega na e persona nan adulto a tuma represalia riba nan yiu of famia. Den exterior tin gruponan grandi cu a wordo crea contra Gobierno y na Aruba nos ta evita pa yega asina leu.

Ehempelnan bibe ta wordo perhudica den bo educacion of profesion. Un simpel accident na trabou of bida priva cu a pone cu bo bida den peligro. Bo a mira hendenan wordo premia door di a haci otro daño, y lubida cu e mundo ta draai y situacionnan por pasa y cu e circulo di prosperidad ta subi y ta baha segun tempo. Nos tur a presencia e caida di varios imperio rond mundo pa diferente motibo, hendenan a lanta para pa inhusticia cu a pasa cu nan, apesar di e miedo cu nan tin pa nan wordo silenciar te hasta cu morto. Den otro paisnan grandi hendenan ta wordo kima bibe, famianan a wordo secuestra, famianan ta wordo persigui y no por sali di nan cas, pasobra nan libertad a wordo kita di nan pasobra porta un miembro di e famia a haya su mes inocentemente den tratadonan cu a hiba e persona den contacto cu hendenan cu ta wordo considera pa ta den baho mundo. Den pasado Aruba a conoce casonan asina, casonan cu a paralisa Aruba. Conhuntamente nos tur ta proteha Aruba, e ta nos hogar. Respetando, Uniendo y Fortificando nos hendenan nos lo logra tin estabilidad un biaha mas.

Abigaél Arends – Representante di Derecho Humano, Leynan Laboral Internacional y Husticia Internacional.

Despues di revelacion di cosnan serio

Oposicion cu dos carta pa reunion publico relaciona cu atraco riba WEB

Parlamentario y lider di AVP, sr Mike Eman a vocifera un preocupacion grandi cu ta biba den comunidad pero tambe cerca miembronan di oposicion pa desaroyonan cu ta tumando luga den e compania di awa y electricidad, esta WEB Aruba NV. Sr Eman a muestra cu Gabinete Wever Croes II despues di e move varios profesionalnan capacita for di nan posicion tanto den WEB y Utilities, nombrando famia, amigo y suanan den posicionnan clave, awor practicamente ta cometiendo atraco den e companianan di utilidad aki.

“Den ultimo dianan nos por a scucha temanan cu a laga tur hende hopi pero hopi preocupa mes na momento cu expertonan, personanan clave den WEB, kendenan a revela metemento politico cu tin via di Utilities den asuntonan cu ta estrictamente temanan cu tin cu wordo maneha dor di WEB. Un inquietud cu ya tabata biba den comunidad ora cu tur hende a ripara kico a



pasa den e acuerdo cu Eagle LNG, ora cu a mira con a pone miembronan di famia di gabinete, strategicamente pa asina sigura c’un contract asina dudoso manera esun di LNG por a wordo firma, marando Aruba pa mas cu 20 aña na 2 biyon florin.

Na e momentonan aki cu revelacionnan ta saliendo den e dianan aki, ta confirma cu locual a tuma luga e tempo ey, tabata algo totalmente incorrecto den cual e expertonan di WEB no tabata involvi.

Pa e motibo aki tambe, caminda informacionnan a wordo revela caminda expertonan di WEB ta bisa cu na e momentonan aki, e compania Utilities Aruba NV, ta ursupando derecho- y podernan responsabilidad y tareanan cu ta estrictamente di WEB, pa nan bay maneha proyectonan di energia, caminda nan lo dicidi ta ken, con y cuanto y tur esaki ta crea un preocupacion hopi hopi grandi den nos comunidad.

Tur esaki pa motibo cu e deal di LNG no ta para los di e inquietud cu tin awe cu expertonan di VWI di WEB a divulga y pa e motibo ey fraccionnan di AVP, MAS y Accion21, a entrega dos carta cual uno ta caminda nos ta urgi urgentemente pa tene un

reunion publico, caminda ta invita VWI y SIWA, caminda den tur libertad nan por papia sin persecucion politico pa divulga asina kico realmente ta pasando na e momentonan aki den WEB.

Desaroyonan cu ta mustrandopracticamente un tipo di atraco riba e compania estatal di mas importante cu pais Aruba tin, cu ta WEBm, e compania cu ta suministra nos comunidad cu coriente y awa cu na e momentonan aki, ta bou di un nubia di atraco di Utilities, cu liñanan cu ta core te na gabinete Wever Croes II.”

Parlamentario Mike Eman a sigui muestra cu e di dos carta cu e tres fraccionnan menciona a manda, ta dirigi directamente tanto na Prome Minister Evelyn Wever Croes como Minister Glenbert Croes, caminda fraccionnan di AVP, MAS y Accion21, ta urgi nan pa para cu e usurpacion di pasonan cu nan ta tumando na e momentonan aki, pa tuma decisionnan caminda estrictamente WEB ta autorisa pa tuma, cu unicamente WEB ta capacita pa haci y caminda WEB tin e proceduranan pa garantisa transparencia, integridad di decisionnan cu ta toca miyones y miyones di florin di e pais.

“E ta toca tambe e consistencia y estabilidad di suministracion di awa y coriente pa henter pueblo di Aruba,” Parlamentario Mike Eman a trece dilanti.



PROTECTION FOR YOU AND YOUR FAMILY



Offers you full service alarm security protection

- 24 hours life monitoring service
- 24 hours patrol backup
- Quick event response
- Additional guard service when needed
- Fixed monthly monitoring fee
- No hidden fees
- Flexible contract
- Financing options
- Equipment is yours after full payment
- Warranty of 6 months on equipment



For more info call 582-7252 or email insec@setarnet.aw

Minister Dangui Oduber

A duna inicio n'e conferencia di Hunto Contra Malesa Cronico 2022

Diabierna atardi minister di Turismo y Salud Publico sr. Dangui Oduber a inicia e conferencia di Hunto Contra Malesa Cronico 2022 cu a tuma luga na Marriott Ballroom. Esaki ta un conferencia cu lo bay enfoca riba diferente topico encuanto e plan nacional di prevencion di malesanan cronico no contagiabel (NCD's). E mandatario a menciona cu henter e proceso a cuminsa na aña 2019 y a ser presenta na aña 2020. Sinembargo door di e pandemia no por a continua cu e proceso di implementacion di e plan nacional di prevencion.

E conferencia ta uno hopi importante pa pais Aruba, specialmente esnan cu ta traha den e sector di cuidu medico. E meta di e conferencia ta pa scucha y haya un presentacion di e diferente expertonan riba nan especialidad. E comunidad di cuidu medico na su turno ta haya e oportunidad pa haci diferente pregunta, intercambia ideanan y informacion. E conferencia aki ta esencial pa cuidu medico por avansa y ta mas innovativo den cuadro di prevencion.

Segun e cifranan publica pa World Health Organisation na aña 2019 un total di 55 milyon persona bou di e edad di 70 aña a fayece door di malesanan cronico no contagiabel (NCD's). E cuater causa di mortonan mas principal ta malesanan di cardiovascular, cancer, malesanan cronico respiratorio y diabetes. Aruba ta den e poco paisnan rond mundo cu tin un plan nacional di prevencion pa e malesanan aki. E meta global ta pa reduci e cantidad di mortonan relata cu e malesanan NCD's cu 1/3 parti pa aña 2030.

“E meta principal ta pa brinda e ciudadanonan di Aruba un miho calidad di cuidu medico na unda prevencion mester ta e enfoke y yabi pa hiba un bida saludabel pa asina evita complicacionnan a consecuencia di esaki. Prevencion no solamente ta importante pa evita malesa y complicacion pero siguramente ta aporta na un bon calidad di bida. E ta e yabi pa sigura un futuro sano y prospero” tabata palabranan di Minister Oduber.

Minister Oduber ta invita henter pueblo di Aruba pa pasa diasabra 24 di september na e EXPO di Salud cual lo tuma luga na Centro Deportivo Betico Croes di 10or di mainta te cu 5or di atardi. Ta bay tin hopi profesionalnan den medico cu por conseha bo y muestra bo con pa hiba un bida mas saludabel.

Finalmente Minister Dangui Oduber a gradici tur persona cu tabata t'ey presente na e conferencia di Hunto Contra



Malesnan Cronico 2022. Un danki special na e team di Plataforma di Salud, Departamento di Salud Publico y Ministerio di Turismo y Salud Publico, kendenan a traha extremadamente duro y a pone tur nan esfuerzo pa haci e conferencia aki y e expo di diasabra bira un realidad.

Pa cumpli cu demanda di nos clientela, un localidad completamente renoba Reapertura di Starbucks na Paseo Herencia Mall

E compromiso di Starbucks cu e pueblo di Aruba awor un biaha mas ta wordo fortifica cu e reapertura di su Starbucks completamente renoba na Paseo Herencia Mall. Nos comunidad a haci Starbucks un di e luganan di koffie favorito pa comparti tempo hunto, sinta y relaha, disfruta, combersa y socialisa. Cu e enfoka riba diversidad di nos hendenan, proteccion di nos planeta y dushi koffie, nos tienda recientemente renoba lo sigui cumpli cu e pilarnan di e compania, mientras cu ta sigui mehora e isla su experiencia di koffie personalisa.

Paseo Herencia a duna bon bini na residente di nos isla y tambe a sirbi bishitante di forma caluroso y cu orguyo, y awe nos ta revela un diseño mehora cu tecnologia eleva cu ta combina e estetica cu e servicio. Cada tienda di Starbucks ta e curason di un bario y Starbucks ta aspira di haci cada un di nan un luga acogedor y inclusivo.

Segun Sra. Wanda Broeksema, Directora di Starbucks Aruba y Curaçao, “Nos ta mehora e cada dia di cada persona y cada momento ta conta! E ta nos deseo pa haci nos clientela sinti Bon Bini por medio di un experiencia caluroso. Cada copi ta un biahe personal, un momento cu ta haci bo sinti bon.” E reapertura di e tienda na Paseo herencia a wordo celebra cu un “coffee tasting” special entre algun invitado y cliente presente.

Sostenibilidad ta algo fundamental di kende nos ta na Starbucks. Durante e añanan, cu e ayudo di nos socionan, clientenan y expertonan den e industria, nos a busca forma pa yuda proteha nos planeta, incluyendo e abastecimento etico di nos koffie, e desaroyo di un marca di tienda mas ecologico, realisa inversion nan den energia renobabel y ta e defensor di un copi mas sostenibel. “Grounds for your Garden” ta un ehempel perfecto con nos socionan y clientenan ta contribui na sostenibilidad, un beneficio mutuo tanto pa Starbucks y pa nos clientenan. Nos vision ta pa recicla y reduci desperdicio di nos tiendanan mas hopi posibel. “Esaki ta un forma cu nos por logra e obhetivo aki y na mesun momento brinda algo nobo na nos clientenan.” segun Wanda Broeksema.



Minister Geoffrey Wever

Sostenibilidad den comun: Aruba tambe a observa United Nations SDG Flag Day



Entre 19 cu 26 di september, paisnan rond mundo ta observa e United Nations SDG week. Aki ta para keto na e metanan di desaroyo sostenibel cu mundo ta aspira pa alcanza.

Diabierna 23 di september a observa e United Nations SDG Flag Raising Day, caminda rond di mundo a lanta e bandera di SDG's. Un dia di union mundial caminda ta ser demostra cu desaroyo sostenibel ta mas cu djis un soño, pero un plan di ehecucion concreto pa por laga un miho pais y un miho mundo atras pa e proximo generacionnan.

Minister Geoffrey Wever como minister di desaroyo Sostenibel a hiba un discurso cortico caminda ta subraya Aruba su compromiso pa logra metanan comun di sostenibilidad.

Recientemente Aruba tabata tin e oportunidad pa presenta na e Voluntary National Review di United Nations e avancen cu Aruba ta haciendo pa implementa e SDG's, cual ta sumamente positivo.

“Como Minister di Desaroyo Sostenibel, mi ta kere firmemente cu cada pais mester organisa su mes pa logra e metanan ambicioso di SDGs y cu out-of-the-box-thinking, innovacion y partnerships ta crucial den e proceso aki”, minister Wever a clausura mencionando.

APPAREL

BOAT ACCESSORIES

TODOMAR

f TodomarAruba @TodomarAruba TodomarAruba +297 585 0555

FISHING TACKLE

FIBERGLASS PRODUCTS

Riba 22 di September te 2 di October

The World Series of Poker 2022 ta cla pa start na Hilton

The World Series of Poker a yega Aruba pa un circuito di torneo di poker, tumando luga na Hilton Aruba Caribbean Resort entre 22 di September pa 2 di October 2022.

Organisadonan ta raporta cu e evento lo atrae hungadonan desde Europa, Sur America, Nort America y hasta Hapon, tur lo competi pa premionan cash hopi grandi. E espectacular garantisa di premio substancial di cash ta \$300,000. Hopi hungadonan tambe a bini cu nan famianan pa vacacion, mientras nan ta hunga den e torneo. Nan ta kedando na varios hotel na Palm Beach y tambe den algun vacation rentals.

E famoso serie di torneo ta ofrece weganan di satellite tur dia, sigui pa un ring event, anto ta bay over na e suspenso di e dos dia di torneo na final, riba Diasabra y Diadomingo 1 y 2 di October, 2022.

Otro eventonan special ta inclui Ladies & Seniors events, un tropical pool-deck welcome reception, Ladies event patronisa pa Balashi, y un anochi di premiacion. E programa completo ta obtenibel online na @thecasinoaruba.

Mayoria di e accion di e torneo WSOP lo tuma luga na Morris Lapidus Ballroom, na unda mesanan di poker a wordo prepara specialmente pa participantenan di e torneo. The Casino na Hilton Aruba Caribbean Resort lo ta yamando bon bini na hungadonan deseando di purba nan suerte n'e slot machine of weganan di mesa, entre, prome of despues di e torneonan.


The Poker Room na The Casino ta habri di 3pm pa 3am, ofreciendo 4-8 limit, 2-5 & 5-5 no limit, Texas Hold' em, Omaha & Torneonan. Live Table Games ta inclui Blackjack, Roulette, Caribbean Stud Poker.

Slots habri pa 11am te cu 3am, Dialuna pa Diadomingo.

Bo por aplica pa miembresia pa tarheta di casino, e ta GRATIS y bo por colecta punto na cambio di premionan y mas sorpresa.

The Casino na the Hilton Aruba Caribbean Resort & Casino, ta afilia cu Liv Casino na Barcelo Aruba, y bao maneho di Island Gaming NV.

E torneo a partner cu Balashi & Tropical Bottling Company, WPA, Womens Poker Association y ClubGG, un generacion nobo di subscripcion pa plataforma di poker.



Premier Evelyn Wever - Croes:

Durante conferencia “Platform for Women Leaders” a splica con Aruba ta preparando lidernan femenino pa futuro



Durante e conferencia cu ta tumando luga na New York Prome Minister Wever - Croes a atende un conferencia di Lidernan Femenino di Nacionnan Uni “Platform for Women Leaders. Den cuadro di esaki Prome Minister a splica con como hende muhe a lidera Aruba durante pandemia hunto cu varios otro hende muhe profesional, y e importancia pa percura cu ta sigui prepara otro sernan femenino pa posicionnan di liderazgo. Na e ocasion a intercambia pensamiento y preocupacionnan cu varios lider femenino di diferente pais.

Aruba awor ta den proceso di recuperacion y “bouncing back”, despues di a experencia diferente situacion di crisis Prome Minister Wever - Croes a remarca cu mescos cu ne, diferente otro sernan femenino presente den e conferencia tambe a lidera den tempo hopi dificil. Den cuadro di esaki ta reconoce e impacto cu lidernan femenino tin mundialmente. Prome Minister a expresa cu e ta importante pa pensa con como pais ta preparando otro sernan femenino pa ‘subi e trapi’ tambe den futuro y intercambia ideanan pa no laga esaki pa casualidad..

Aworaki e enfoke na Aruba ta riba tereno di educacion. Ta conoci cu muchanan atendiendo scol primario awo, den futuro lo traha den funcionnan cu awe no ta existi ainda. Pues aki ta importante pa considera con ta preparandonan pa futuro y si esaki ta suficiente. “Nos sa cu Science, technology, engineering, and mathematics (STEM), ta un area di educacion hopi importante pa muchanan, Prome Minister a expresa. Considerando esaki, tin diferente iniciativa cu a tuma luga cu proyectonan pa motiva mucha muhenan den e area aki. Un proyecto cu Prome Minister Wever - Croes a menciona cu a tuma luga, ta e Supernova unda cu mucha muhenan cu a participa ta ricibi experiencia den e area di STEM y informacion cu ta necesario pa ta exitoso de e area aki.

Prome Minister a termina bisando cu tabata un honor pa intercambia idea y pensamiento riba e tema importante aki, hunto cu varios Prome Minister femenino di diferente pais.



Entrega bo pintura y haya un ticket gratis



Pa participa:

- Like nos pagina riba Facebook
- Comment **#AweMainta** y **#CaribbeanMonsterTruck**
- Valido pa mucha te cu 12 año
- Pinta y entrega e imagen na oficina di AWEMainta

Adres: Avenida Milio Croes 47 lokaal 4

Pa contrabanda di 5100 kilo di cocaina

Capitan di barco Venezolano condena na 10 aña preso

WILLEMSTAD - Corte di Husticia Comun di Reino den Caribe, recientemente a condena un capitan di barco Venezolano na 10 aña di castigo di prizon locual den practica ta nifica cu e tin cu sinta por lo menos 2/3 parti dje castigo pe bin na consideracion pa bay su cas na Punto Fijo.

Den prome instancia hues a condené na 12 aña di castigo di prizon cu ta un castigo severo pe delito cu e capitan di 44 aña a comete; den apelacion Procurador a pidi mesun castigo pero Corte di Husticia a baha e castigo na 10 aña.

Abogado dje Venezolano si a haya cu mester laga e homber liber pasobra transporta o 'pasa droga di transito no ta para como delito den ley y por lo tanto nan no por ta cos cu por proba legal y convinsentamente.

E carganan contra e Venezolano y 10 otro tripulante dje barco tabata cu nan a trece 5108 kilo di cocaina Aruba dia 24 di februari di aña 2020.

Corte di Husticia ta convenci di culpa dje capitan pasobra el a basha' bou riba tur hende den e caso y Corte no tabatin motibo a duda den su palabra. e tripulante.

Ademas Corte tabatin otro prueba cu nan a graba despues cu nan a haya e tip cerca Wardacosta Colombiano cu tin un barco Venezolano sospechoso ta nabegando den direccion di Aruba.

- Ora wardacosta a haya e tip, nan a para e barco y a haya 211 paki di cocaina den un dje tankinan di gasolin.



Ta prome cu nan a sali for di Punto Fijo e capitan a haya sa cu lo bay tin droga a bordo.

- Pa cualifica e capitan tripulante como complice no a suficiente pa tabata presente pero no a participa na hiba paki bordo dje barco.

- E tabata na waf ora e la mira e botonan mas chikito trece e pakinan di cocaina y ora a caba di carga e barco, nan a coy rumbo pa Aruba.

CULPABILIDAD

E capitan a conta huesnan cu ta oblig-

atoriamente e mester a pone paki di cocaina bordo dje barco. E tabatin miedo pa nan no maté pero Corte no a chupa e pruimi aki.

E mes a dañá pa su mes ora cu polis kier a interrog'e pero e no kier a papia. Si e tabatin miedo cu nan lo maté, e tabatin tur chens pa splica polis ki ta pasando.

Pa Procurador General, e fout di mas grandi cu e capitan por a haci ta coopera cu doñonan dje droga pero el a traha pa e traficantenan y nan a pag'é.

Y cu esey el a admiti cu e merece haya un castigo di prizon di dies aña.

Pa un debe di atrasa pa petroli den tanki

Curator kier a cobra PDVSA US\$41,6 miyon pa un debe di US\$1.777.740

WILLEMSTAD - Dia BOPEC na Boneiro a bati Corte a nombra un curator pa finikita detayenan financiero y paga debenan dje compania y cobra nan debedonan. Un dje companianan cu tabata debe BOPEC tabata un compania cu ta haci negoshi cu compra y benta di petroli y tabata warda e petroli cu nan tabatin na benta, den tankinan di BOPEC.

BOPEC tabata cobra pa bari pero a stop di paga masha tempo cabay p'esey a pone beslag riba BOPEC pero hues a frena paso dje curator pasobra e petroli no tabata di BOPEC sino dje compania Alphaville cu tin su sede administrativo na e islanan Seychelles caminda no tin refineria ni gota di petroli.

Hues a condena Alphaville pa paga a e curator US\$ 1.710.968 plus interes riba e suma cuminsando pa paga e curator US\$ 260.000 cuminsando juli ultimo.

Como perdedo den e caso, Alphaville mester paga e gastonan dje caso a rason di US\$ 5.349.

Hues a haya e manera cu e curator kier a ranca placa bruto for di PDVSA Petro pasobra e curator kier a cobra PDVSA Petro 41 miyon dollar.

Doño dje petroli cu tabatin den e tankinan di BOPEC ta di Seychellen Alphaville Holdings.

Na augustus hues a consulta cu tur partido den e caso pa recorda nan cu benta dje petroli mester sosode di acuerdo cu reglanan di Hulanda. Propernyn B.V. ta un compania Hulandes di PDVSA y ta e la comercial pa haci negoshi cu petroli y gas. For di januari 2002 PDVSA y Propernyn caminda nan ta paga BOPEC US\$ 0,40



pa bari for di 2016.

Fo'i cinco aña pasa PDVSA no a paga alkiler mas pa warda nan produccion den tanki di BOPEC y dia 13 di december 2018 corte a condena un grupo di compania petrolero pa paga BOPEC e suma di US\$ 777.970,20. E grupo di companianan aki nan a hinca nan den un club cu yama GMC pa haci e cos facil.

E GMC aki dos aña pasa a pone beslag riba 384.410 bari di petroli cu ta den tanki 1907.

Dado momento cos a bay asina malo pa BOPEC cu a declara e compania bancarota y a nombra un curator den persona di Constantijn van Liere.

E curator tabata sa cu e petroli den e tankinan di BOPEC no ta di BOPEC sino di PDVSA Petro. Aña pasá corte a ordena PDVSA Petro pa paga e curator e suma di US\$ 41.699.529,72 na pago atrasa pa deposito dje petroli y USD 560.000 pa luna pa warda e petroli for

di mei 2021.

PDVSA Petro a hunga 'deaf and dumb' y no a haci caso riba cual e curator a pone beslag riba e petroli y e curator a anuncia cu e ta bay bende e petroli na findishi. Esey tabata fin di aña pasa.

WHOLE NEW BALL GAME

Ora a anuncia e findishi, e curator di BOPEC a pone beslag riba e petroli cu tabat'ey prome cu e findishi y cu e gastonan di almasenahe ta minimal 13 miyon dollar.

Ademas cu e no tin e permitnan necesario pa pomp saca petroli for di tanki 1907 pasobra e terminal ta cera. Di manera cu e doño no tin cu pomp e zeta riba su mes cuenta y laga transport'é na e luga di su escoho.

Decision di huesta pa entrega Alphaville e petroli den dos siman despues dje veredicto y Alphaville a paga BOPEC ademas di pone 13 miyon dollar na garantia pa BOPEC te dia petroli ta entrega.

Pasobra el a sconde informacion pa haya Bijstand

YDK a haya boet di Sociale Zaken Hulanda y mester paga Bijstand bek

WILLEMSTAD - Un señora YDK cu a cobra Bijstand na Hulanda sin tabatin derecho riba esaki tin cu paga e cen bek plus e tin cu paga un boet pasobra dia el a pidi Bijstand e no a menciona cu e tabatin propiedad na Corsou.

Dia Sociale Zaken na Rotterdam a haya sa esey nan a saca som cu e señora a engaña nan y awor ta oblig'é di paga Bijstand bek plus un boet. Ayera ta haci net un luna cu e decision a cay di manera cu e señora tin tempo pa regla su asuntonan y evita mas miseria financiero.

E señora ta registra na ÇSVB na Rotterdam, for di kendenan e ta haya Bijstand.

SVB a hib'e Corte dos aña pasa y e señora a bin cu un abogado cu no menos cu tres titulo di MR. DRS. IR. y ta un conocedo abogado di fam Maduro.

E tribunal a schors e tratamento pa mira si partidonan por a yega na un areglo amigabel pero SVB a dicidi cu nan kier mira cen. For di januari 2008 e señora Curasoleño ta cobra Pensioen di Behes y riba esaki e ta haya Bijstand for di januari 2010.

Na aña 2015 SVB a para e pago di Penh di Behes pasobra e señora no ta reacciona riba peticion pa duna informacion. Na 1916 e señora a bolbe pidi subsidio social pero e biaha aki a informa cu e tin un cas na Corsou cu bal 3000 florin!!

Ora SVB a pidi pa e proba esaki e señora a informa cu e no tin cen pa paga esaki y SVB a bisa pa e pago no tin cifra pa tuma decision riba dje si ta



paga of laga.

Sociale Zaken na Hulanda a sigui investiga e caso cu si e señora tabatin derecho riba Bijstand den pasado y a laga un makelaar local traha un rapport cu a mostra cu for di mei 2008 e señora tin un tereno riba cual tin dos cas mita construi cu e makelaar a balota riba 69.000 florin.

E suma di 69.000 florin ta mas cu loke un hende cu a cobra Bijstand mag tin na propiedad. Loke e por tin na propiedad ta € 5.920,-.

Cu esaki e señora a viola regla di Sociale Zaken riba un periodo di 8 aña y SVB a manda cobr'é € 29.586,56 cu e no tabatin derecho riba dje. Ariba di esaki el a haya un boet di 5400 Euro.

Pa completa obra, ora SVB a manda formulario pe yena si e tin propiedad, el a tira e papel afó.

Un ke otro a resulta cu for di aña pasa e señora tin cu paga netto € 214,34 for di su Pensioen di Behes.

APELACION

E señora a laga su abogado apela e decision pa kita parti di su pensioen di Behes for di 16 mei 2008 te cu 31 mei 2015.

E señora a defende su mes bisando cu pa motibo di su edad e no tabata sa con yena e formulario indicando cu e tabatin dos cas no acaba na Corsou. Ta otro hende ta yud'e yena e formulario, ademas cu e no tabata di acuerdo cu e balor cu e makelaar a duna e casnan.



Website: www.awemainta.com

E-mail: noticia@awemainta.com

Facebook: www.facebook.com/awemainta

Instagram: www.instagram.com/awemainta

Telefon: 588-0022

Fortaleza Pa Famia

Ban pone nos fe den accion

DIOS ta grandi. superior riba tur cos, maraviyoso, bondadoso. Misericordioso, yen di amor, gracia y favor, no tin nada cu por compara cu nos Dios.

Laga su nomber sea alaba, glorifica den tur cos, pasobra e ta digno di tur alabansa y gloria , E ta Dios.

No tin suficiente palabra pa expresa su grandesa y su poder, E ta Todo poderoso, Omnipresente.

Si nos tur biba pa Dios y pone nos fe y speransa den Dios no tin nada cu por para nos dilanti.

Ta nos deber di pone nos fe den accion, pasobra Fe sin obra ta morto, (Santiago 2:14-17) y dia pa dia nos ta mira hende ta kere mas den modernismo, cu den Dios. Pasobra e sistema di mundo ta wordo guia pa e spirito di anti-cristo, cu di mes ta preparando e caminda pa e anti-cristo bin goberna, y mas hende cu no ta kere Cristo Hesus, ta nifica mas hende cu lo bay perdi (Juan 3:16).

Ora nos ta atende cu Dios nos tin di pone nos fe den Dios, y move pasobra esun cu ta kere den Dios sa cu Dios ta capaz di haci locual cu e ta pidi, semper y cuando cu e peticion ta den boluntad di Dios.

Nos no por sinta manera nos ta tras di un computer of cu un telefon den man y manda un app, y sinta warda e resultado, nos tin di pone nos fe den accion pasobra nos ta kere den Dios.


Abraham a pone su fe den accion y e tabata tin 100 aña mientras cu Sara tambe tabata tin 90 aña ora nan a pone fe den Dios y Dios a duna nan un yiu. (Hebreonan 11:11-12).

Elias a pone su Fe den Dios y Dios a baha candela for di cielo.

Rey Ezequias tabata malo na cama e a pone su fe den Dios y a wordo sana.

Daniel a pone su Fe den Dios y a wordo libra for di boca di leon.

E Oficial di rey a kere den Hesus y su yiu a wordo sana.



E muhe cu tabatin 12 aña cu fluho di sanger a kere den Hesus y a wordo sana.

Bartimeo a grita te ora Hesus a scucha y a manda yame y a sane.

E homber ciego a pone su fe den Hesus y a bay laba su wowo y e a bini bek ta mira.

Awendia tin hopi hende ta biba den relacion abusivo, y nan no tin fe pa sali for di e situacion.

Ta tempo pa move for di tur relacion abusivo cu fe den Dios cu E mes lo provee pa bo y bo yiunan.

Di otro banda a yega tempo pa pone fe den Dios, entrega bo yiu rebelde na Dios, y stop di cana bao di culpabilidad, duele, rabia y frustracion, bringando cu algo cu bo no por resolve sin Dios.

Hasta bo tin di pidi Dios fe pa perdona tur esnan cu a decepciona bo den bo bida, y asina bo por cuminsa un bida nobo den Cristo.

Tur hende cu tin fe sa cu Dios tin nan interes na pecho,

Asina ta cu fe ta bini for di tendemento y tendemento pa medio di e palabra di Cristo. (Romanonan 10:17) .

Ora un pais completo pone nan Fe den Dios, un no tin nada cu e pais ey no por logra, no ta existi un situacion cu nan no por sali for di dje.

Sinceramente Pastor Marcel Balootje

Aurora

Royal Pray

Funeral Home & Crematory

Every life is noted and is cherished,

and nothing loved is ever lost or perished.

"Mira ki un Amor Grandi e Tata a duna Nos, cu Nos por wordo jama Juinan di Dios. Si un Hende ta den Cristo, ta un Criatura Nobo E Ta"

Cu hopi dolor na nos Curazon pero conforme cu Dios su Boluntad Nos ta anuncia fayecimiento di nos ser stima:

Jaisley Boekhoudt

Cariñosamente yama: "Jai"

*13-11-1987 - †17-09-2022

Na number di su:

Mama cu a stime un mundo: Franciska "Ciska" Hernandis

Tata cu e la stima: †Chito Boekhoudt

Ruman nan cu a stime masha hopi mes: I'jon Boekhoudt, Tiara Hernandis

Ruman na Hulanda: Naomi Boekhoudt

Manera Ruman: Remy Kani

Pareha Stima: Lucy "Bae" Dirks

Unico yiu cual E la Stima masha hopi mes y forever den su Curazon

Subrinonan cu e la stima masha hopi mes: Reysean, Jah-ziël, Seandrick

Subrinanan cu e la stima masha hopi mes: Queeny, Ishayna, Azariah

Madrina cu a stime manera un yiu: Marieta Hernandis

Padrino: Robert Boekhoudt

Tanta y Omo nan Parti di Mama: Tico Hernandis, Yolanda y Orlando Wernet-Hernandis, Sixto Hernandis, Rafael Hernandis, Marieta Hernandis y Hugo Baarh, Calucho Hernandis, Rina y Garlon Hasham-Hernandis na Hulanda

Tanta y Omo nan parti di Tata: Lena Boekhoudt, Carlos y Chequita Boekhoudt-Mendonca, Juni y Elvira Boekhoudt-Kelly, Robert y Debra Boekhoudt-Bergen, Astrid y Vio Wernet-Boekhoudt, Daisy y Mario Puplickhuijsen-Boekhoudt, Muriel Boekhoudt, Vincent y Danielle Solognier-Arts, Henk y Reuella Reeberg y yiu

Prima y primo nan parti Mama: Jairo y Nella Wernet-Eckmeyer y Jui, Jeanice y Angelo Kelkboom-Wernet y Jui, Sharline Hernandis y Juinan, Jillianne y Dieter Nicolaas-Wernet y Juinan, †Hugmar Baarh, India Hernandis y Simone Smeets na Hulanda , Aislinn Hernandis y Juinan, Gerald Baarh, Stefany Hernandis y Micheal Quandt y Juinan, Reginald Baarh y Daliet Schaub, Jeancarl Hernandis y Wayline Donayre, Jeanclaude Hernandis y Ziziene Flanegin y Jui, Jeanmarie Hernandis, Rahaylee Hernandis y Jendrick Roga, Gabriella y Chelsey Hasham na Hulanda

Prima y primo nan parti Tata: †Natasja Roest-Boekhoudt, Carlos Boekhoudt y esposa y yiu, Samantha Boekhoudt y pareha y yiu, Joshua Boekhoudt, Michelangelo y Adry Boekhoudt-Barros y Jui, Richel y Josey de Cuba-Boekhoudt y Jui, Aschlin y Genesis Boekhoudt-Ruiz y Juinan, Jurgen Domacasse y Juinan, Melissa Domacasse, Jedina Domacasse y Pareha y Juinan, Kimberly Puplickhuijsen y Pareha y Jui, Jeremy Puplickhuijsen y Esposa y Juinan, Kelsey Puplickhuijsen, Jordano Rincones, Elia Solognier, Nalani Solognier

Su Suegra: Benita Valdez

Cunja y Swa: Olga Dirks y Juinan – Mariano Dirks y Juinan

Manera suegro: Buchi Geerman y Famia,

Su Oma Stima: Dora Jong, Tante Lily Jong – Cydric y Mario, Clifton y Lidia Jong – Kenneth Jong – Gini Jong y Monica, Stephanie y Nigel Wix y Juinan – Lydienne y Joey Arends y Jui

Manera Un Mama: Sheila "Moms" Croes-Werleman y Famia

Su Bon Amigo(a) nan den mundo di Futbol , MMA , Musica , SBS , Santa Cruz , Verano y di Nijmegen Zellersackers y Demas amigo(a) nan stima cu ta mucho hopi pa menshona .

Acto di entierro lo tuma lugar Diasabra 24 September 2022 pa 11 or di mainta saliendo for di Aurora Funeral Home pa santana di Sabana Basora . For di 9 or e curpa di Jaisley lo ta reposa na Aurora Funeral Home pa por despedi . Famia su deseo ta pa bin bisti na color nan alegre como Jaisley semper tabata un persona alegre y positivo.

Jaisley a acepta Cristo den su Curazon Augustus 12 y Boutisa Augustus 13 2022 na Seventh Day Adventist Church .

Nos ta pidi encarecidamente pa Respet na Famia pa please no tin uso di Alcohol den parkinglot di Aurora y nin na Santana . Despues di esey cada persona ta liber pa hasi locual nan mes ta desea .

Ta pidi disculpa si den nos tristeza por a lubida di menshona un famia of amigo Ta lamenta cu despues di entierro no lo por ricibi bishita di condolencia na cas



Laga tur loke ta spera mi ta bunita

Laga tur locual cu mi encontra na caminda ta bunita

Laga tur locual cu mi laga atras keda bunita y

Laga esakinan termina den tur buniteza.

Cado Wever.

Cu dolor na nos curason, nos ta anuncia fayecimento di:

Christine-Erielle

D. C. Gamez Galezo

Number di cariño "Erielle"

*28-08-2019 - †11-09-2022

Na number di su:

Mayornan: Erick y Christina Gamez Galezo-Tromp

Rumannan:

Christy-Ann Semeleer

Danilo Semeleer

Christian Alexander Gamez Galezo

Edrick Gamez Galezo

Caroline Alexia Gamez Galezo

Wela y welonan: Nataly Ras

Giovanni Tromp y pareha

Dalila y Cesar Alexander Gamez Galezo

Bisawela y bisawelonan: Rosa Ras

Anastacia Y Juan Tromp-Gomez

Cecilia y †Martiano Galezo

Manera wela: Anagaly Erasmus

Tanta y omonan: Valeria Tromp y yiu

Givianca Tromp

Jovaneska y kowan de Palm y yiu

Jennifer Gamez y yiu

Rodger y Nallelys Gamez y yiu

Alexander Gamez

Primo y prima nan: Damian, Jethal, Adon, Anastacia, Rosemary, Victoria y Mia

Pepe: Rose-Ann Aparicio y Sednji Sambo y yiu

Madrina: Medylise Zievinger y yiu

Padrino: Rigal Luydens

Amigonan di cas: Leonardo y Gloria Chong y famia, Rashid y Malyn van Bergen y yiu, Leidymar y Glenbert Kock y yiu, Gina y Raul Aparicio y Lourdes y Juan Croes y yiu

Demas famia: Tromp, Galezo, Ras, de Palm, Giel, Croes, Gomez, Luydens, Franken, Donker, Ignacio y tambe famianan na Venezuela, Colombia, Peru y Hulanda.

Disculpa si den nos momento di dolor y tristesa nos por a lubida di menciona mas famia.

Oportunidad pa condolencia: Aurora Funeral Home, diabierna 23 di September 2022 di 7:00 pa 9:00 di anochi.

Ta invita pa e acto d entierro cu lo tuma lugar diasabra 24 di September 2022 na misa Santa Annadi 2:00 pa 4:00 di atardi, despues lo sali pa Santana catolico na Noord.



25



*Every life is noted and is cherished,
and nothing loved is ever lost or perished.*


"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa frankil,
Pa mi bolbe haña forsa".
Salmo: 23

Nos ta anuncia fayecimento di:

Simon Pablo Loefstok

*29-06-1948 - †22-09-2022

Acto di entierio lo wordo anuncia despues.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa frankil,
Pa mi bolbe haña forsa".
Salmo: 23


Nos ta anuncia fayecimento di:

Noel Raul Semerel

Cariñosamente yama: "Nel"

*20-07-1950 - †22-09-2022

Acto di entierio lo wordo anuncia despues.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa frankil,
Pa mi bolbe haña forsa".
Salmo: 23

Nos ta anuncia fayecimento di:

Gloria Agnes Roga

*17-11-1952 - †21-09-2022

Acto di entierio lo wordo anuncia despues.



Tur cos aki na mundo tin su ora y su tempo,
Ora pa nace y ora pa muri, ora pa yora y ora pa hari,
Ora pa keda keto y ora pa papia, ora pa stima y ora pa odia,
Ora pa guerra y ora pa paz"
Predicador 3:1-2-4-7-8

"Bida ta dushi pero no ta facil"


Cu dolor na nos curason, nos ta participa fayecimento di nos ser stima:

Sr. Mirto Rasmijn

Cariñosamente yama "Meme of Omo Mirto"

*06-12-1956 - †22-09-2022

Acto di entierio lo wordo anuncia despues



"Dios ta amor... y amor ta Dios,
maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Cu dolor na nos curason, nos ta participa fayecimento inesperadamente di nos ser stima:

Sra. Lydia M. Malmberg

*10-05-1942 - †23-09-2022

Acto di despedida lo wordo anuncia despues



Her wings were ready, but our hearts were not...
It is with deep sadness we announce the death of our beloved Mother, Grandmother, Sister, Aunt and Friend. She died peacefully at the age of 89

Muriel A. Simon

Better known as (Tante) Sixta or Oma

*10 April 1933 - †21 September 2022

Date and place of condolences will be announced later



"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33



Cu dolor na nos curason, nos ta participa fayecimento di nos ser stima:

Hyacintho F. Kock

Cariñosamente yama "Chinto"

*10-09-1934 - †20-09-2022

Acto di entierio lo wordo anuncia despues





*Every life is noted and is cherished,
and nothing loved is ever lost or perished.*

“Señor ta mi Wardador, mi’n tin falta di nada; Den kunuku di yerba berde,
E ta pone mi sosega. E ta hiba mi na awa trankil, pa mi bolbe haña forsa. E
ta guiame den caminda drechi fiel na su number.”

Salmo 23: 1-3

Cu inmenso tristesa na nos curason pero conforme cu Dios Su voluntad.
Nos ta anuncia fayecimento di nos Tata, Ruman, Omo, Primo, y Welo
stima:



Errol Edmond Pietersz

Cariñoso jama ‘Dij’s’
*26-10-1954- †20-09-2022

Na number di su yiunan :
Derrol y Jeanella Pietersz- Dijkhoff
Derlis Pietersz
Derlyenne (Nina) Pietersz

Nieto/ a stima:
Xiandre Kelly, Jade Pietersz

Mayornan:
†Rosalina Croes Pietersz, † Eddy (Dij’s) Pietersz

Rumanan:
†Casandra Figaroa Pietersz y Hose Figaroa
Edsel y Elly Pietersz Vrolijk
Marlon y Rosalina Pietersz Farro

Sobrina/o: Joselito , Suyenne, Eugene, Edseline, Rosella, Joshua

Suegro y Suegra:
Roland Dijkhoff y Maricela Dijkhoff Giel

Manera Ruman:
Raymond de Kort, Regina Ras de Kort
Gloria Maritza Tjin Kon Fat de Kort

Famia nan na Venezuela, Sint Maarten, Curacao

Na number di tur su demas famia:
Pietersz, Dirksz, Dijkhoff, Kelly, Vrolijk, Farro,
Daal, De Kort, Figaroa, Giel

Tur e trahadonan di Stichting Hope cu a cuide hopi bon, donacion pa
Stichting Hope lo ta hopi aprecia.

Nos ta invita famia,amigo,bisiñanan y conocirnan pa asisti na acto di
entierro cu lo tuma lugar: Dialuna 26 September 2022 di 2’or pa 4’or pm di
atardi na The Olive Funeral Care & Crematory Sanicolaas.

Si den nos tristesa por a lubida number di un of otro famia,amistad y/of
conosi nos ta pidi nos mas sincero disculpa.Nos ta lamenta cu despues di
entierro no por ricibi bishita di condolencia na cas.

He will cover you with his feathers.
He will shelter you with his wings
His faithful promises are your armor and protection
Psalm 91:4

Cu inmenso tristsa na nos curason,nos ta participa
fayecimento di nos:
Mama,wela,ruman y tanta stima

Marieta Filomena Tromp

Miho conosi como:Jeta
*3 april 1951 - †20 sept 2022



Mayornan:
†Rika y †Jose Tromp Jacobs

Yiunan:
Ozaira Romero y Roberto Tromp
Ferris Tromp y Joan Dania

Nietonan:
Samy Jean, Osbert, Jahzyon
Ferron, Shady-Ann

Bisanieto: Elohym

Rumanan:
Elvira y Amancio Thielman na Boneiro
Eddy Tromp y yunnan
Anny y Clyde Arendsz y yunnan
Glenda Tromp
Leo Tromp y yunnan na Hulanda
Ito y Miriam Tromp y yunnan
Jenny y Dilip Chatani y yunnan

Omo: Rosimbo y Pina Jacobs y yunnan
Omo y tanta nan den Felis Memoria

Consuegro:
Ito dania
Astrid Tromp
Humprey Figaroa

Bon Amiga: Maria Kock

Primo y primanan na Aruba y Corsou
Amistades nan na Corsou y Boneiro
Bisiñanan
Kas di Machi
Tur su lhanan

Demas Famia: Tromp, Jacobs, Dania, Romero, Thielman,
Arendsz, Henriquez, Ochoa, Chatani, Jansen, Kock, Zievinger,
Danies, Conradus.

Acto di entierro lo tuma Lugar

Diahuebs 29 Sept 2022 di 9.00 -11.00 na Misa Di paradera
Disculpa nos si den nos tristesa nos por a lubida kualkier
persona.

Nos ta lamenta ku despues di entierro no por ricibi bishita na
kas.



AWEMainta

Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com